

Isipho selanga lokubelethwa esihle kwamambala


Itlolwe nguZaheera Jina Asvat

Iinthombe nguChantelle noBurgen Thorne



UZakariyya wavuka ngesikhathi ilanga lihlola eenkhaleni zekhethini.

Bekulilanga lakhe lokubelethwa! UMma umthembise isipho esikhethekileko selanga lokubelethwa. Ngemva kwesidlo sekuseni, uMma wakhweza uZakariyya esihlalweni sangemva sekoloyi.



Ikoloyi yajama. UZakariyya wezwa izinja zikhonkotha nabokatsu banyawuza.

“Mma, sikuphi?” wabuza.

“Size endaweni ekhetheke khulu lapho kutlhogonyelwa khona iinlwana. Ibizwa nge-SPCA, ngokurhunyeweko.”



Bangena ngomnyango werhalasi, umma ombethe iyunifomu ehlaza samkayi wabalotjhisa.

“NginguDorh Molete. Namukelekile e-SPCA.

Ngingudorhodere weenlwana, okuthiwa yi-‘vet’ ngokurhunyeweko. Ngitlhogomela iinlwana ezigulako.

UMma wathi. “Size lapha ukuzokumbelekela abokatswana ababili.”

“Abokatswana ababili?” kutjho uZakariyya.

UDorh Molete wakhamba nabo ngendlwaneni zabokatsu. UZakariyya wabona abokatsu nabokatswana abanengi. UDorh Molete wafaka ukatswana osarhemere nomunye onokumhlophe nokunzima ngaphakathi kwesiphathi sikakatsu.

UMma watlikitla amaphepha wokumbelekela begodu wabhadela nemali yokumbelekela.

UZakariyya waphakamisela uDorh Molete isandla avalelisa.



Ekhaya, uMma noZakariyya balungisela abokatswana indawo yokulala.

Ngemva kwesikhathi, lokha inyanga nayivalelisa ilanga, uZakariyya gade asingathana nabokatsu bakhe embhedeni.

“UGinger no-Liquorice bazizipho ezihle khulu kwamambala, Mma!” uZakariyya wahleka.

Isipho selanga lokubelethwa esihle kwamambala

Iflolwe nguZaheera Jina Asvat • Iinthombe nguChantelle noBurgen Thorne

Izinto esingakhuluma ngazo

Uzabe uneminyaka emingaki elangeni lakho lamabeletho elilandelako? Kungaba yini sipho selanga lamabeletho osithanda khulu?

Ucabanga bona kuze njani u-Ginger no-Liquorice bazithole base-SPCA?

Emndeninakho, niyaphana izipho zamalanga wokubeletha? Kubayini niphana namkha kubayini ningaphani?



Ukubonakala

Inga-kghani unayo ifuyosithandwa, namkha uyafisa ukuba nesisodwa? Dweba isithombe sakho nefuyosithandwa le.



Ukufunda

Thola izinto lezi endatjaneni:

- ★ amatjhada amabili enziwa ziinlwana
- ★ izinto ezimbili esizibona emkayini
- ★ amabizo wemibala emithathu
- ★ ibizo lokudla
- ★ inomboro yinye




Ukutlola

U-Zakariyya bekafuna ukatswana ngelanga lakhe lamabeletho. Nawungaba nenye nenye into oyifunako, tlola irhelo lezipho zelanga lamabeletho ongazikhetha.



Ubukghwari

Sebenzisa ibhoksi lekhabhoksi ukwenza umantjana wokufaka ukatsu njengalo osesithombeni. Ngemva kwalokho sebenzisa iderhe yokudlala namkha ibumba ukwenza u-Ginger no-Liquorice bese ubafaka ngaphakathi komantjana wakho wokufaka ukatsu.



Ukwenza

Yenza ngasuthi ungu-Zakariyya bese ucoca ngobutjha indatjana ngaphandle kokusebenzisa amanye namanye amagama. Sebenzisa izenzo ozitjengisa ngomzimba ukutjengisa lokho okwenzeke ngelanga lakho lamabeletho.

